

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, br. 7/10 i 3/23), a u skladu sa članovima 42. i 52., Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, , na 66. sjednici, održanoj dana 07.02.2025. godine, d o n o s i

O D L U K U

o usvajanju Programa utroška sredstava Ministarstva za obrazovanje, nauku, kulturu i sport, sa pozicije „Kapitalni transferi u inostranstvu“, Budžeta Zeničko-dobojskog kantona za 2025. godinu

Član 1. (Predmet)

Usvaja se Program utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), pozicija „Kapitalni transferi u inostranstvu“, u ukupnom godišnjem iznosu od 700.000,00 KM (slovima: sedamstohiljadakonvertibilnihmaraka) i čini sastavni dio ove odluke.

Član 2. (Način realizacije sredstava)

Sredstva planirana ovim Programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-2380/25

Datum, 07.02.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava u razdjelu 22-Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, pozicija „Kapitalni transferi u inostranstvu“, Budžeta Zeničko-dobojskog kantona za 2025. godinu

Član 1.

Svrha programa je da se odobrena sredstva u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, pozicija „Kapitalni transferi u inostranstvu“, Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), transferišu međunarodnim organizacijama koje djeluju na teritoriji Bosne i Hercegovine na osnovu potpisanih sporazuma ili ugovora o sufinansiranju, u svrhu udruživanja sredstava sa međunarodnim organizacijama za realizaciju školskih projekata koji se mogu odnositi na izgradnju, rekonstrukciju i sanaciju školskih objekata kao i opremanje školskih učionica i kabineta, a sve u cilju stvaranja neophodnih uslova za unapređenje odvijanja nastavnog procesa u osnovnim i srednjim školama na području Zeničko-dobojskog kantona u 2025. godini.

Član 2.

Visina sredstava utvrđenih ovim programom iznosi 700.000,00 KM (slovima: sedamstohiljada konvertibilnihmaraka).

Član 3.

Izvor sredstva: Budžet Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), razdjel 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, pozicija „Kapitalni transferi u inostranstvu“, Izdaci iz budžeta – izvor 10.

Član 4.

Korisnici sredstava ovog Transfera su međunarodne organizacijama koje djeluju na teritoriji Bosne i Hercegovine i imaju otvorene račune kod poslovnih banaka u Bosni i Hercegovini.

Član 5.

Kriterij za raspodjelu sredstava: Raspodjela sredstva utvrđena ovim Programom u ukupnom iznosu od 700.000,00 KM (slovima: sedamstohiljada konvertibilnihmaraka), vršit će se na osnovu potpisanih sporazuma ili ugovora o sufinansiranju, u svrhu udruživanja sredstava sa međunarodnim organizacijama koje iskazuju interes za učešće u realizaciji zajedničkih školskih projekata koji se mogu odnositi na izgradnju, rekonstrukciju i sanaciju školskih objekata kao i opremanje školskih učionica i kabineta, a sve u cilju stvaranja neophodnih uslova za unapređenje odvijanja nastavnog procesa u osnovnim i srednjim školama na području Zeničko-dobojskog kantona u 2025. godini i realizovat će se dijelom iz budžetskih sredstava i dijelom iz sredstava primljenih tekućih transfera Vlade Federacije BiH (potpore iz Budžeta Federacije BiH).

Član 6.

Sredstava planirana za realizaciju projekata u 2025. godini uplaćivat će se na račune međunarodnih organizacija otvoren kod poslovnih banaka u Bosni i Hercegovini sa naznakom projekta za koje se sredstva uplaćuju/udružuju, a u skladu sa potpisanim sporazumima ili ugovorima o sufinansiranju i pojedinačnim odlukama Vlade Zeničko-dobojskog kantona.

Član 7.

Za realizaciju ovog Programa zadužuju se Ministarstvo za obrazovanje, nauku, kulturu i sport i Ministarstvo finansija Zeničko-dobojskog kantona, svako u okviru svojih nadležnosti.

Član 8.

Korisnici sredstva su dužni da Ministarstvu za obrazovanje, nauku, kulturu i sport dostave izvještaje o namjenskom utrošku odobrenih sredstava u roku od 15 dana od dana utroška istih, a najkasnije u roku od godinu dana od dana doznačavanja sredstava.

Član 9.

O utrošku sredstava po ovom Programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

GENERALNI PLAN KORIŠTENJA SREDSTAVA SA „KAPITALNOG TRANSFERA U INOSTRANSTVU“ ZA 2025. GODINU

R. br.	Korisnici sredstava	Svrha korištenja sredstava	Odobreni godišnji iznos	Dinamika realizacije sredstava
1.	Međunarodne organizacije koje djeluju na teritoriji Bosne i Hercegovine	Sufinansiranje projekata na izgradnji, rekonstrukciji i sanaciji školskih objekata kao i opremanje školskih učionica i kabineta, a sve u cilju stvaranja neophodnih uslova za unapređenje odvijanja nastavnog procesa u osnovnim i srednjim školama na području Zeničko-dobojskog kantona u 2025. godini	700.000,00 KM	Ukupan odobreni godišnji iznos će biti realizovan u skladu sa potpisanim Sporazumima ili Ugovorima o sufinansiranju zajedničkih projekata i pojedinačnim odlukama Vlade Zeničko-dobojskog kantona o odobravanju sredstva za sufinansiranje kapitalnih projekata u 2025. godini

Broj: 02-11-2380/25

Datum, 07.02.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.